

含

經

堂

集

含經堂集卷十四目錄

詩十四

畢生雨稼止酒且一年矣朱簡討竹垞爲詩三十
韻勸之雨稼欣然持過邸齋適長至前一夕遂
留快飲亦成三十韻贈焉

鹿尾四首

和伯兄觀殿門首蹴鞠

唐棲橘四首

不寐

伯兄邸中食櫟命作詩四首

鰕魚四首

石花魚

佛手柑大者如瓜來自重慶乃得之土司者

丁卯除夕

戊辰元旦

友人見餉蠓房賦謝

二月初十日

上已同友人集碧山堂

過舊邸

種芭蕉得花四首

奉命再掌栢臺

飲光錢先生別十載矣來至京師止予寓齋半歲

流盤良慰勞閏秋暑方退言返舊廬期予歸耕
之晨見訪崑山之麓不勝離緒謹賦四言八章
以述意焉

東廵雅十三章

送張南溟予假南還

送陸翼王南歸二首

季野萬子惠然北來止余邸舍十年矣同心託契
擬于蘭金編校之事蒙實賴焉今暫返故廬堅
訂來約雖別無淹時而意殊悵罔聊賦四言八
章用寫離緒蓋不勝延佇之情云

送黃子主一歸里寄壽其尊君黎洲先生三首

自刑部尚書遷戶部

戊辰除夕

含經堂集卷十四

崑山徐 元文 立齋著

畢生兩稼止酒且一年矣朱檢討竹垞爲詩三十韻勸之兩稼欣然持過邸齋適長至前一日遂留快飲亦成三十韻贈焉

畢生英磊姿頗亦善杯酌一朝却芳酣經年坐食藿無心問歡伯有意詆狂藥見畏若弓張却避猶薏蘊本以春泉潤翻成焦池涸茂弘請覆觴仲初表折杓爾曾無過差云何廢醅酢風宵但淒凜花晨任明灼五齊和豈知四座歡爲削膚革漸顛顚腸府少疏瀹卓哉竹垞翁中聖良有託清喻發新謠脫彼疏屬縛持來亟見示孤

襟早恢拓敦勸余亦屢敢爲拈輪虐三復琳瑯詞解頤
藉索莫呼童急進酒相與共連醕五斗不足多安能問
升僦非惟親形神頓覺適吟噓燭采照曲几鑪芳煨重
箔陶然見天真邈爾化憂愕初陽暉尚短六琯氣方弱
天心將何見百年忽如昨安知異世名且用慰栖泊阮
生性至慎湛飲不爲忤鄭公號名儒一舉三百爵古人
良復然曷弗自歷落酒罷贈爾詩願爾固明約毋辭千
日醉更鑄六州錯還從朱侯飲雄辨恣揮霍傾卮笑問
人何如僕射樂

鹿尾四首

曾入秦庭解悞人由來走險故難馴今朝斷尾供燔燁

猶向雕筵傲八珍

惟假晶鹽不鼎烹
食經藥譜未聞名
怪來纖笋朱殷色
疑是盤中貯赤瓊

屢入簷帷雪驟簾
臨觴小炙興難厭
湛然居士空禪寂
色動南岡一賜甘

即休文正堂詩鹿尾乃恩獵南岡所賜

燕髀猩脣漫金鬻
斑龍有尾味堪尋
祇愁入俎從由鹿
輟箸應傷賦客心

由鹿猶獵鹿尾和叔有由鹿賦以況賈友而傾同類者

和伯兄觀殿門首蹴踘

昭德門前歲晏時
畫球拋處競相追
超騰勢起飛華袂
感躍風旋動赤墀
齊俗任誇同擊筑
漢官方喜代彈碁
寧知肄武軒皇意
宿衛無妨練虎羆

唐樓橘四首

西陵丹橘小如梅曾受江潮氣潤來何但踰淮方化枳
移根吳苑已難栽

往歲軍麾下七閩春塘來往駐千屯斧柯未盡餘林在
珠顆香苞倍足珍

遠道攜將貯玉盤丹光熠熠爛星繁若教傾向長安道
定誤飢人逐彈丸

魏皇但笑牙應裂越實應知未得嘗非獨江陵謝甘液
祇宜還傲洞庭霜

不寐

寒更眠不就帝里寄孤衾歲事俄遒盡生涯只滯淫燈

關書影澹風散析聲沈長此漫漫夜何如待旦心

伯兄邸中食櫛命作詩四首

安溪李學士所餉

珍果看時齒有津輕刀細剖得嘗新清甘兼喜含微酢
足慰當筵病渴人

一手擎來已弗勝金衣密絮自層層霜風迢遞經千驛
瓊實雖寒不作冰

何必成都但斗形清溪山果更芬馨尊前莫訝團團月
丹橘黃橙是列星

吳地舊曾丹實貴祇今惟數海天豪歲寒碧葉須珍重
莫遣人還樹苦桃

鰓魚四首

負甲偏形太詭奇，奔車遙致海東垂。
新都每日惟供噉，想見姦昏氣盡時。

倚石憑碕穩託身，誰知有日付庖人。
砧飛玉膾輕如縠，只少羹和千里尊。

詎愛千緡賣餉錢，百枚俄已盡華筵。
玉珧石劫從誇勝，九孔螺誰不讓鮮。

老眼難勝舉盼勞，芳羹一啜是靈膏。
珠光晃朗圖經重，非獨尊前恣老饕。

石花魚

并序

保德州黃河其下多石，石花產焉。每冬月羣魚萃石間，唼花爲食，魚以故肥。漁人乘冬鑿冰掩取之。

余得而食焉芳甘柔澤非他鱗可並知其以肥見
屠也慨然作詩

嵐州洪河流下有砢礪石石間生水華紛披湛瑤碧惟
彼魴與鯉啖食得所適波凝川氣靜遊萃恣窟宅掉尾
良可樂盈腹盡脂澤一朝鑿層冰竟貽漁師獲眾戢無
妄施偶挂安能釋狗欲成禍招肥身爲害積霜含素鬢
皎日映金鱗赤千里入芳筵清卮會良客舉坐厭甘腴
挹啜傾瀝液獨念盤中餐噉噉出深澤早知五鼎烹曷
不抱窮瘠寄語饕利人棄命良足惜

佛手柑大者如瓜來自重慶乃得之土司者

珍果何奇瓊致自巴渝夷金光盛晃耀香氣靜且宜居

然青門瓜懷袖非可施捧用雙玉腕承之斗大匪衆指
絲相環結形信參差外指搗如抱中指挺若枝輕膚含
渥丹溫質凝密滋少見多怪訝物理良難推因思巨靈
掌遠拓狂瀾移又聞驍健者殿柱隻舉之安得借此手
願言贈所思摩挲意未已歲序崢嶸時

丁卯除夕

日月無停舍遷嬗迅駭輶春律曾幾何倏忽星已周京
國淹九載云何猶滯留往逢饑歲時客子交勸酬今茲
凜霜風聖主方宅憂庭輝撤夕燎宮漏淒宵籌寓止
著作廬同心有良儔秉燭論往古談涌春泉流興替猶
指掌豈繫非人謀徘徊弗成寐中情忽若抽金門寒霧

隱華闕蒼煙浮一心待明發歸來復何求

戊辰元旦

首朔暖律開初陽晨氣變天道有更始斗柄誰爲轉平
時朝元辰玉帛盛陳薦列仗下朱庭纍譯奉赤縣千門
朝光暖九衢物采絢巍巍億億世業夙昔勞締繕我后
自明聖若時動英眇溫仁蕩浮颺清義激震電鳳律調
陰陽龍官肅簪弁共稟咫尺嚴終令區寓宴翼毗在臬
夔古治詎難見優游熙堯年惟知樂貧賤臣精已銷竭
敢云故百鍊

友人見餉蠅房賦謝

物生信饒怪茲蠅抑何詭負性本浮淫結形竟礪岬託

附日猥多巋然若山委密戶雖區分連固成一體小大
交因依詎曰非子睂目總無施介胄紛羣起靈潮沸
涌來咀吞盡膏髓要潤在洪流安得不龜首一朝逢剗
鑿俄焉蕩失水頑獷須火攻焚如固其理遂有負鼎人
烹和擅珍美不因知己貽奚從染厥指燕坐開晨軒歡
顏對春醅將納周顒言且盡今朝侈

何子季侈于味後稍欲去其甚者議食蚶蠔周顒勸

菜之食

紀夢

辰軌瞻靈耀星階仰瑞符過揚天命在參表治功須自
昔唐虞世偏來共鯨徒關門踞哮虎城窟託妖狐潛密
窺嚙笑縱橫變苑枯武安除吏獨乘氏沒貲俱士類憂

銷骨民生痛嗜膚群思洗

詔許伏青蒲借劔容

臣直更絃起

廟謨

宸心燭魑魅英斷決須臾鼎折

終當覆瓿崩那可扶賜令宣策罷恩假劄刑誅白日銷
氣霧清霄建化樞重看登宰弼真足愧姦諛治象追三
禩歡聲鳴九區夢看燕市客此日醉千觚

上已同友人集碧山堂

人生託斯世孰者爲不祥被濯自有在庶以洗俗腸嘉
襖夙所傳勝友聊相將飄塵長不已於何求滄浪振轡
就西館揚袂登崇堂新松未吐碧故柳方蘊黃春色殊
晚莫百卉豈不芳吾心早得春且可傾壺觴高談興未
已義車迅顏光顧彼南征人詰旦趣行裝客寄亦偶爾

戀此成故鄉

明日王崑繩南歸崑繩蓋北人而寄于南者

況我滯十載能不心內傷

歸來坐蕭齋梅影動匡牀良夜何厭厭舉醕如啜漿末由假羽翰江天恣飛翔參商自常理嘉會不可忘

過舊邸

舊邸餘嘉樹當年手自栽摩娑嘗累日酩酊已千迴芳草猶增戀輕軒不獨來故園花滿徑空逐早春開

種芭蕉得花四首

窗外蕉林著意栽綠芙蓉挺葉端來不愁芳郁隨時盡

自遣靈芽逐瓣開

花似蓮蕊瓣數十重日開一二瓣不多放也

銀絲吐穎各排行點點流甘湛玉房

花中露甚甘香俗所謂甘露也其房光瑩如玉花鬚

覆之雲表承來猶不及日南空自醉椰漿

一任殘枝漸向枯翠琅玕樹倍含腴

花開則葉漸枯而根葉感潤

生來直

吐心中秀不倩周遭碧葉扶

吾鄉煙霞白石翁秋容手寫碧菰籠

家藏有白石田父容老圃圖芭蕉花其背

今

朝持比閒庭色只少吳儂在畫中

奉 命再掌栢臺

五年重到院風清奉牘曾無故吏迎猶覺餘霜堪拂簡
只看舊栢亦含情多時弄印煩 明主此日乘驄繼哲

兄

伯兄自嘉禾遷尚書闕縣四月未補今以見 命

深沐皇恩何以報定添雙鬢雪絲

盈

飲光錢先生別十載矣來至京師止予寓齋半
歲流盤良慰勞闕秋暑方退言返舊廬期予歸

耕之晨見訪崑山之麓不勝離緒謹賦四言八章以述意焉

禮尚鄉老學崇儒英彼美耆碩休有令聲氣挾雲上神
涵水清信且好古吾愧老彭

河洛邈矣齊魯闕而九聖孰讚六義安窺乃抱遺經是
述是追既洗我心亦解人頤

績學實難由少迄長煙雨秦淮風流可想無所逃名名
在釣黨羣相耳目脫于禍網

侘傺東閩間關西粵陟嶮無躋衝濤不沒返于丘園怡
此歲月守素履冲義問無闕

生平何好好惟良俯訪余哲昆玉山之幽爾酌我勸爾

詠我訓不替舊好北首來遊

春室有梅秋堂有蘭伊人賁止乃心則歡惠而贈我漪
其文淵愧彼虛獎銘茲肺肝

自寒徂暑晦朔易徙還念故居大江之沚修篁蔭戶芳
葉覆水翻其旋歸樂爾孫子

我負初服十年逝波誓返舊山宴于薜蘿目睇行輪耳
聽離歌結念來會我勞如何

東巡雅十三章

歲在甲子車駕東巡衍聖公鉞斯編幸
魯盛典禮部徵索廷臣詩章因補撰云

上帝靈鑒睨我 皇清我 皇秉聖 三后適成克誠

九區交暘六英美我 皇度翼翼明明

維歲甲子冬日載融 皇時省方屆於大東總轡轡雷野

芝旂翳空清濟漸車靈嶽望風

我我靈嶽表鎮曰岱馳走百神苞并萬態陋彼升封虞
柴是配登覽雲物鬱何靄靄

洪河決濟長江蕩潏龍艦星移及吳之域惠彼小民湛
我皇德還御六刺究土是即

陪尾之陽四源交瀉水哉水哉不舍晝夜皇過川上
神契元化瞻望闕里僕臣趣駕

麟蹤既邈鳳德何長教澤弘衍翊我聖皇萬乘至止
夫子之鄉巾卷迎路簪紱升堂

於赫夫子濯濯厥靈肅將苾芬祀事孔明鬱鬯龍勺象
鼻犧尊八音克諧羣后駿奔

寢宮轍轍夫子所憇 皇陟于庭巡省翠佩芳飈猗蘭
青浮鐵檜見于羹牆其容有睟

防阜之林百頃交陰異國珍產蔚爲同岑文楷輪囷以
杖以尊擘其藂著穆哉 皇心

穆哉 皇心更御雕几爰 命毓圻佚爾孫子肆列組
筵進講以序遺經再展 皇心燕喜

皇錫毓圻錦衣狐裘庭列曲蓋以饗春秋毓圻稽首
天子萬壽 皇詔毓圻保艾爾後

東野支封禽父是宗錫之冠帶以康周公兩聖作師文
其在茲敦儒闡道千載斯時

惟星則煌惟雲則爛 聖藻光輝輝于天漢懋建有極

登道之岼昭示萬邦如日斯旦

送張南溟予假南還

南徐少宰別金扉帷帳桑乾返照微拜墓好看連理樹
尋山甕換六銖衣千秋祖德摛詞述三世君恩捧
詔歸北固樓頭頻送目春來莫遣鴈書稀

送陸翼王南歸二首

書囊無恙布帆秋桑苧翁歸月一舟此去滄江清夢穩
不留物色到羊裘

煙波極望思悠然君在蘆洲竹澗邊餉客祇應烹菊水
移家端合傍芝田

李野萬子惠然北來止余邸舍十年矣同心託

契儼于蘭金編校之事蒙實賴焉今楚返故廬
堅訂來約雖別無淹時而意殊悵罔聊賦四言
八章用寫離緒蓋不勝延佇之情云

有明龍飛羣力奮起置衛布戍基列雲委明山龍從是
興萬氏武功旣悠儒術斯美

肇始儒術爰自都督蘊略則弘嗜道何篤傳世孝廉執
義厲俗拒嗣繼之其人如玉

如玉伊何溫矣其文薄彼纓冕愛此典墳六籍淵秘百
家區分載傾瀝液鬱乎多聞

明三百年曾靡信史文獻闕如欲徵安以子探前聞十
載勤止得失興替厥掌斯指

我領纂述愧非其人豈曰褒譏而忘苦辛我之倚子如
嬰待薪子之愛我如宅得隣

日月遷易客心則驚子棄鄉土寒暑十更非不懷歸眷
我友生我能無念念子深情

林楓乍落畦菊正華離堂未屆心隨路遐長日始至抵
子之家山光來迎爛其舒霞

詩人采蕭夙心未諒及茲違離足知非迂毋易成期毋
辜鄙望被水之辰遲子垂訪

送黃子主一歸里寄壽其尊君黎洲先生三首

生平仰儒宗獨推江夏氏英聲起前代顧及時共擬凜
凜忠端公勁節著青史轉瞬六十年陵谷互變徙奸魄

有餘愧忠名長不毀時議收孔融羣情惜元禮巢覆卵
幸完揅爰得良止遂守不字貞寄情在山冰詎就煙霞
癖高蹈良有以寂寞商山芝笑彼夏與綺

叢山制頽波執經徧宇內入室資鉅賢終日勤問對辨
理析毫芒著書薄組纈寥寥千百載茲道幸無晦梁木
與時萎典型故尚在漸江赴東流爭趣事槃敦聲華詎
足言所重道義配不見伊洛門率多游楊輩几杖饒古
風名言當委佩山川阻良覲誰與傳清誨

恭承 帝嘉命史局領校讎茫茫三百年軼迹委山丘
顛倒是與非賢奸共沈幽誰爲識漢事班蔡君其儔蔡
之寄咨稟相期共千秋雅尚不可奪安能事王侯拜上

所著書國恩還見酬述作有精意秘同金石抽膽念豈
終極驥子忽遠投了知足健飯爛爛發英眸恢達與俗
遠沈浮爲道謀山光照精廬良日何其悠天心佑耆碩
俾之研聖猷相送綵衣去請爲致綢繆綢繆竟何言纁
帛終來求

自刑部尚書遷戶部

乍移秋憲白雲司又拜新綸領度支十日再遷慚主
眷終身一節亮心期脂膏不潤情常泰瓦石頻含力已
衰宸衷方勤恤民隱不知何以答清時

戊辰除夕

餞歲從京邑重來又十年君恩還沚及身計只蕭然

老倍憐鄉信間纔適午眠深更頻問夜詰旦待朝天

含經堂集卷十四

含經堂集卷十五目錄

詩十五

己巳元旦

祝氏莊園脩禊詩

閏月小齋分韻詩

奉命偕法司慮囚

拜命入內閣二首

己巳除夕四首

庚午元旦

送伯兄予假還里二首

上已碧山堂小集分得臨字

風蘿兼旬不休憂而有作

送行人姪炯典閩中試二首

被論罷官南歸三首

舟中七夕四首

舟中竹枝詞六首

與同行諸君子望月

偶吟四首

寫離騷卅子因賦三首

書陶淵明歸去來辭因賦

臨清閣歌

寶應道中

河流入江歌

遊惠山泉亭

含經堂集卷十五

崑山徐元文立齋著

己巳元旦

拂曙開闔闔凌空建羽旗三辰啓芳節八表慶清時
兄弟齊丹靛君王念素絲春光無不煦先覺照連枝

祝氏莊園脩禊詩

有序

康熙己巳之歲暮春三日伯兄集羣賢於祝氏之
莊以脩禊事命余及從子二人從先是將有會也
伯兄問何適余曰其臨水乎自古爲禊祓之會者
莫不凌清波以泛卮睠春流而成賦而京師自秘
苑太液之外無所得水城外壕牆可步而越潞河

乏流西山之淵相距且一舍退食而往則日力不足以給返惟祝氏莊在城南非遠夙昔之所嘗遊清池湛然可鑑可濯于以寄幽賞延嘉賓庶其足乎伯兄曰善至於禊之日諸君子或騎或輿或振策而前或聯袂而後濟濟聞闐以集於斯莊曦光亭午和風拂晝迴軒敞以四豁小閣孤而獨聳林煙欲開城陰自靜雖嚮者游魚舞鶴不可復覩圃草未茂池流猶淺然而奕亭足以舉棊射場足以抽矢眺覽不窮徙倚皆適圓方飫而尚充觚爵騰而相屬形骸共忘談辯若涌雖自以王謝詠觴裴張詞議殆未有以過也蓋余往從伯兄之禊於此

已八年矣八年之中人事之遷易與夫客蹤之聚散不可勝數即此園圃亦再更興墜而余兄弟顧得與諸君子還託賞於此此雖歲撰良辰月置芳宴猶不可以無述况乎感曩游之已往惜嘉會之不常流連斯須俯仰一世又可以默乎哉江南三月芳草碧波必有揚舲春潮命爵珍館者諸君子皆吾南人也得毋喟然而長思畢然而望遠乎一吟一嘯其亦將以起予矣

春日已云暮春草猶未綠順時聊行游就此水一曲勝侶愜嘉招豈曰苛禮束息宴無定所延賞有遐矚清觴陶天真高論破局促陳迹意所感良會苦不足曷弗歸

滄浪濯纓從我欲

閏月小齋分韻詩

有序

重禊之日小齋初成伯兄偕西溪竹垞穀似令貽
武曹諸君集飲於此時在坐十有一人用孫興公
蘭亭後序原詩人之致興諒歌詠之有由二語各
分一字爲韻得之字者則賦二首余適探得遂成
二詩

暮春屬餘閏再當解袂時卧病甫得起欲行其何之昆
弟共宴聚好友相教嬉氣涼雨乍過晝靜日未移高談
意不已舉觴還賦詩即事自足適多憂亦何爲蕩濯有
至理豈緊百福期

蔡中郎祝詞云有求百福在洛之戾

斗室乍經始落成已復茲窗軒自淡樸几席各有宜前
垂高藤陰背吐碧樹滋甘蕉鬱成林芳卉復間之庭柯
良可哂吾顏豈不怡羣賢固善頌考室其無詞祝我歸
江鄉早與旅舍辭山邨結茆齋終老以爲期

奉 命偕法司慮囚

驕陽赫炎暉屏翳失其職丹木盡焦卷所憂在粒食

聖主厯民隱祀事靡弗飭顧惟桁楊間大命良可惻審
聽屬微臣承 詔厲欽翼奏當縱已成察情庶或得減

宥故其常安事界有北

舊例清理獄囚如常寬減前此理獄所遣大臣
意有所主多免死徒黑龍江者相沿凡三次矣

余力言此本非故事今若復爾便
成定例宜只如往制便諸公從之

幾欲空囹圄相與釋徽纆泣罪

仰深仁好生章大德解澤諒有感羣生遂作息

拜命入內閣二首

生平寵若驚恬泊固其性如何忝渥恩一旦寄國政讀
書企皋契敢曰素自命瞋目視鄙夫頗亦嘗詬病陳力
將在茲何以厲貞勁天衢豈不亨物情謬相慶黽勉矢
精誠庶用挽流競

器滿固慮覆乘高倍虞躋席豐履寵盛安得不爲累世
故亦多端譴訛善謗議皦皦信易汙何況陟高位騰口
足鑠金牽肘類絆驥且寬悄悄憂一心慎國寄拙誠良
有餘守我命與義

己巳除夕四首

勤民宵旰切楓宸律動青陽不當春正是芳椒頌花日

上書猶有身冠人

遲遲日晡散朝回兄弟還同栢葉杯別意已縈新歲柳

春風只綻故園梅

時伯兄已
子假將歸

寒庖又及歲崢嶸隨意圓方不待營同是五辛盤內物
每逢鄉味必關情

年華如水但東流不爲憂生苦善愁北里南隣正歡宴
雕堂華燭照藏鉤

庚午元旦

東朝獻芳節北闕慶正元玉帛占無外光華仰至

尊風和傳九奏香動拂千門詔許還輶早歡呼感

聖恩

詔許伯兄
指日旋里

送伯兄 予假還里二首

春日既過半餘寒凜未已綺樹無抽條鳴禽鮮悅耳況
當鴈羽分淒然別緒起吾兄奮高節睠焉念鄉里不勝
憂國情辭闕豈徒爾文苞淵海深行砥璠璣美耽耽或
見嫉皎皎易蒙毀 主上諒愚忠鯢鳳還見比

上手書
宋玉對楚

王問以
示意

聖知得賢明取之蓋有以惟余本薄劣顧嘗被瘡

痕平生方寸心與兄共戚喜十年同京華形影正相似
一朝判衣袂睽析從茲始離絃不可聞別酒弗知旨流
涕絲交頤安能望車軌

車行去不息還抵崑山陽天章照廬舍奕奕有龍光恩
命挈書局盈棟紛縹緗良史貫墳索肇域紀職方著作

豈云易所幸暇日長幽思託深巖結契還徜徉林屋何
窅窅笠澤何洋洋靈區與俗遠足成典籍場仲氏棄薄
宦十載歸故鄉聞道日有得被服追虞唐素志愜共隱
杖屨時相將塤吹有箴和此樂不可量獨余滯畿輦離
羣心內傷君恩何以報歸思徒蒼茫願各勉餐飯聊
用寬愁腸

上已碧山堂小集分得臨字

元己乍寒減閒館愛春臨新萸綴嘉卉初萼照芳林環
階蔭脩廊極野睇連岑伯氏歸江鄉行及泰岱陰遙塗
怨促別離思非可任吾獨何爲者十年猶滯淫隙駒曾
不留衰疾互頽侵選勝寄幽賞坐客皆南金高酣發長

謳庶比丘中琴

風霾兼旬不休憂而有作

三月正芳辰麗景弗可觀狂飈號累旬蜚廉抑何怒
霾無不有孰識診所主惟天本蒼蒼晦然色如土
洪湓氣偏溫觸人病心府有懷憂如醒云何施幹補願展造化
權靈風降甘雨休祥鬯九區羣焉樂春煦

送行人姪炯典閩中試二首

一門忝朝恩胥奉掄才役爾復承嘉命迨遘閩山適彼
土富俊英豈不在蒐擇巨木採茂林簡珠出深澤所貴
羅奇材凡器安足惜奕奕勵精明凜凜操繩尺得人獻
明廷毋負賢關闢

榴火照前旌時雨還濯枝行達冶城下珠露初凝時簡
書亦有程歸及寒飈吹乘傳到閭里龍光耀檐楹上堂
拜家慶正當介壽期親故並來萃四筵傳華卮恨不隨
風翔陟岡心已馳省覲誰弗樂况茲國寵貽君恩信
難報曷哉慎爾思

被論罷官南歸三首

短狐期必射猥偷期必噬身與權貴忤安得不困敝醜
正繁有徒膠漆厚相締衆噓山欲漂徒掌蔽夷跖

任所指蒼素適相戾長吟貝錦篇清晝忽陰翳

宣聖疑掇塵慈母惑纍至謗積且銷骨片譴焉足避

哲后惟明明非曰輕棄置庶復全始終用解質首忌蓄

計毀室巢張威事鍛織苟非吾 君仁一門安所託顧
此感至恩寧勝去國淚

京華十餘載懷鄉日悠悠一朝解組去潞水浮扁舟白
露且晨降大火方夕流煙波正涵渺桂櫂堪夷猶對景
暫爲適安知身所謀終已事六籍此外非吾求

舟中七夕四首

銀潢影裏望雲車此夕家家供果瓜吾對雙星非有乞
祇期昏醉度年華

續絲瓊珮耀華鈿繾綣終宵鳳駕旋自是雙情長不變
何嫌一別動經年

雲路迢迢會二靈璇閨暫得玉梭停不知幾許支機石

容易拋將付客星

初秋鼓枻意如何雨氣增涼靜晚波但使楓江驚浪息
歸橈那異泛明河

舟中竹枝詞六首

深溜平灘船欲橫却將船尾指前程長年何事行偏倒
不倒行時不可行

未展檣帆無柁楫過簑下疇事難齊不勝邪許施篙急
又聽聲聲喚打犁

河西驛自移關後關在通津驛作邨百丈城垣半欹倒
十家今有三家存

急雨翻空風色暗風狂雨甚無行舟榜人披蓑叉手立

推篷但覺煙波愁

蕭蕭孤櫂莫相猜但道歸人南去來一任喧阗非所問
笙簫別舫不時開

綠灘罟網要其曹巨鱗不入纖鱗遭昏宵截流燈火出
捕魚猶各乘輕舠

與同行諸君子望月

停橈步平野每日望蟾魄十三光欲滿十四近圓璧
雨小畜文占馬中孚策司曆何爲然望以十六夕已踰
三五期團圓異宿昔審步得非疎怠棄有餘責豈若眇
與胸疾縮自回易圓靈秉日光壯盛將毋益相攜且還
舟虧盈詎足惜

偶吟四首

解纜雞鳴晨宵深始獲息迅流溯已艱凱風又何急行
纔一舍餘豈惟盡日力

過德州盡日晝夜
止行三十五里

水宿殊艱歎行路使

心惻從茲謝津塗漁浦庶可即

昨朝晴日暖今晨涼風吹風吹披重緜昨朝被纖絺寒
燠固不常無乃太疾爲篋衣幸有將時哉隨所宜代謝
有如此人事豈勿知富貴可貧賤新息非吾欺

彌年積憂勞餐膳日以薄肉味不知甘漸令氣劣弱嘗
顧同列語噉飯如進藥况當患難間食飲倍損削量腹
數米炊更不事羹臠歸來容安眠常願飽藜藿

吾兄念歸人數遣平安字或賁從南來或寓自北至得

書未及發有懷先惴惴憂深骨易驚病積心恒悸父子

並去官

從子御史樹穀亦來謫而歸

餘怒何猶喫虎視與鷹攫舉踵將焉

避造化誠何如培覆豈無意居易且俟諸吾命當有寄

寫離騷冊子因賦三首

并序

嘗讀屈大夫離騷而哀其志手寫其辭于卷時諷而誦之今舟中多暇重書此冊而系之以詩

時俗固工巧妬嫵無並容佞辟志必得貞亮道日窮大夫與國議所言寄信從朝譏箕喻舌夕替葉隕風康瓠是爲寶周鼎不見庸申椒豈其芳蕕壤幃則充程美孰爲察昭質莫與同

昭質信未虧好脩自有適固知蹇蹇愚由來離困厄矩

獲秉前聖九死豈云惜黨人何不亮謠諑眩黑白物情
易從流蘭芷俄變易同懷弗可遇周游願求索一心念
靈脩終焉閭闔隔

閭闔不可開澤畔行傍徨已矣 無人長吟寫中腸進
弗見信納退亦非徜徉孤憤誰與直鑒之以昊蒼蟬蛻
濁穢中志與日月光千載垂斯文讀之心感傷

書陶淵明歸去來辭因賦

并序

陶靖節初爲鎮軍叅軍即心念舊廬有依依耦耕
之意及宰彭澤非久去官猶追咎已往至是息交
絕游始得遂其雅尚觀其怡顏庭柯暢情罇酒門
常關而園日涉可謂樂矣自非真志不渝知命忘

憂者何以與于此予讀其辭慨然慕而愧之書之於卷以五言附焉

淵明寄事外縻祿亦聊爾真想在吾廬投冠愜願始行
行望衡茆欣奔不知止僮僕皆歡迎候門况稚子入室
引壺觴有酒抑何旨松菊故無恙琴書樂未已東臯足
獻謳西疇或耘耔意得非有假塵俗奚其累余亦歸林
園斯人安可擬反復誦遺篇長吟慕栗里

臨清關歌

有序

七月二十有六日過臨清之牖及關艤舟關吏留
阻彌旬要求百故既乃命其家僮登舟大索蓋
人實使之其僕亦雜入焉而人又以

爲是仕宦久攜家而下所挾貲必厚果爾則將構
其罪以快憤而泄怨及遍搜舟中衣服書卷什器
之外倚爲前路資費者所存光祿饌金數緡而已
衆慚愕而去關吏猶且有所要索捐饌金之半乃
始得行舟子言海內關津莫聞有困挫士大夫若
此者皆憤涌旁觀者髮上指余心悄悄忍受而已
旣行酒酣成歌以紀其實焉

我行及清淵關吏遽來顧初亦爲謬恭中乃藏詐故河
梁但深閉關吏尊如帝穿鼻由他人關吏賤如隸凶饗
不可量關吏貪如狼自言久饑餓得食須飽嘗血人口
不吐關吏暴如虎況更傳之異安得不興怒家蓄健兒

慣作虐縱使來舟恣搜攫稚舒酒甕竟發封中郎書裏
亦斷索妄億篋笥多珍奇豈計歸裝竟虛橐一時觀者
交嗟咨關吏聞之亦疑忤仕宦俄踰三十年 國恩

天寵何絲聯縱處膏脂豈身潤但含瓦石惟心憐抱貞
履潔世不信古皆如此非今然關之爲關暴已久一木
橫川成弊蔽展轉侵陵快人憤自立關來聞此否關吏
關吏爾謂高踞要路津狂吠狺狺目且瞋當塗氣勢凌
高曼奮身攀託非無因吾有誠言不惜爲爾陳自昔依
倚冰山多誤人

寶應道中

晚靄臨孤堞秋陰覆白田邨邨編荻屋浦浦出漁船夾

岸蒼葭水籠堤碧柳煙農夫穫新稻擔過夕陽邊

遊惠山泉亭

龍山別盈紀今來更登攀巘光澹秋碧往來雲自閒山
半靈泉發潛流蘗石間淅淅泛方沼日夕長潄潄掬飲
意未已盈舫載與還第令照我心莫令照我顏我顏久
衰頽世路方嶮艱安得如泉潔爲人破塵頑

谷經堂集卷十五

含經堂集卷十七目錄

奏疏一

請廣太學人材疏

請廣太學鄉試中額疏

官學生徒酌量錄用疏

請停輸納入監疏

更換官學房舍疏

含經堂集卷十七

崑山徐元文立齋著

奏疏一

請廣太學人材疏

題爲請廣選拔以培人材事自古人材盛衰視學校興替古先哲王于胄子外必妙簡賢俊以入辟雍周制鄉論秀士升之司徒司徒論其秀者升之學既論之鄉又論之司徒而始得入于學蓋甚重也自漢唐以來太學弟子皆由遴選故橋門之間人材輩出或顯經術或崇理學要皆教厲實行矜尚氣節明先王之道習當世之務非其時人獨賢也蓋其取之精而養之厚有以致之

也自故明景泰時入馬入粟之途開閭巷小夫皆得隸名胄監蘭艾錯雜程課不行而其以貲進者亦自以所至之有限安於卑鄙不思振拔士風之弊實由於此我皇上右文重道振興教化而諸生之在太學自官廩之外止有輸納一途其以歲貢到監者十不得一又多年齒頽暮之人甚非所以廣英才也漢儒董仲舒有曰養士莫大乎太學太學者賢士之所關教化之本原也以教化本原之地而徒取輸財入粟之人即有單寒貧窶之士雖嗜學力行思觀國家之光其路無由天下儒生何所觀感臣等伏察舊例順治八年十一年曾令各學臣選取生員文行兼優者起送赴監今宜遵倣此例于

郡邑各庠或間歲或三五歲舉品行端慤文學優長年齒少壯者一人入太學加以歲月漸磨砥礪勉之成材優其進用之路更宜遵照

世祖章皇帝時舊制每科直省鄉試各取副榜若干名送監肄業如此則辟雍濟濟多經明行修之士而入粟之途亦將有所興起所裨于人材非尠小矣

請廣太學鄉試中額疏

題爲太學人材甚多鄉試定額過窄請 敕部議廣額以昭鼓勵事太學爲興教育賢之地天下士子皆得觀光鼓勵之道不可不盡恭遇我

皇上右文敷治八旗子弟爭嚮文學其肄業成均者漸

彬彬有儒雅之風四方人士鱗集麇萃城工河工賑濟等例至者甚衆既不乏英才而各學臣所送府州縣衛選拔諸生並一時之雋辟雍之內濟濟可觀莫不懷才抱能思有以自試而秋闈定額收採無多實不足仰副皇上造士盛意康熙十年十二月內曾經科臣嚴沆條奏請廣中額部議未允但在科臣當日係預料人數之多尚未真知灼見今臣等身在衙門計新舊考到官員生俊各項共五千餘名臣等見在先行考取科舉者七百餘人選拔監生見送到者九百餘人其續到赴考者絡繹未已此外又有期滿咨送吏部者不下三千人場中號舍見經順天府題准添設則人才之盛

失初意至景泰時而納粟納馬之例開庸流猥品輒得
濫入然亦止許生員輸納耳成弘以後乃有民生雖其
事例時開時罷然太學人才終於不振矣我

皇上以天縱之資崇儒嚮學士風文化翕爾變移此真
興教勸學千載一會也臣等謂宜仿累代之成謨革故
明之陋例謹條援納入監其甚不可者有四養士育才
莫重流品至於入貲則冗濫實甚有以曾充胥役而經
叅奏如劉長庚者矣有以父爲劫盜而經發覺如趙杰
者矣至其他行不容鄉里而竄迹六館者有之目不識
之無而廁名三舍者有之或僕隸之家或負販之子不
俊不秀之人並得冒稱俊秀之號朝爲庸豎夕登士林

此不可者一也官貢各生所謂正途或由恩授或以才升及其得官則亦與援例略相等耳然且官貢期滿考職必歷三科九年之後而援例入貲則不計年限隨咨隨考官貢監期多者二期少亦半歲而準貢期止三月則是遇正塗轉絀而待雜塗轉優阻寒士攻苦之心長富兒情驕之氣此不可者又一也流品既淆氣習亦異往往不能折節降心自就繩墨至於課試文藝其甚者或至不能塞白雖復年加訓督而素無劣等黜革之例相習恬然不爲恥怪其意以爲惟不曉文義故就此以進本不宜深督也于是橋門造士之地適爲此輩自便之塗程課難行士風益薄此不可者又一也竊計歷年

以來吏部已經考授職銜需次州縣掾佐者不下數千人選塗積壅補授無期日漸加增必盈萬計其于大體不能無妨而諸生自一授銜輒服其品服輿從翩然招搖閭里甚至準貢或豎立旗杆妄同舉人進士表宅之典銓塗既濫名器實傷此不可者又一也即其中亦不無文采可觀自命不苟者然不使之以文藝自見而亦使之一出于援納臣等竊爲惜之所益於人才者少而所損于士風者多所資于國用者小而所妨于國體者大誠不如速行停罷之爲愈也誠停止事例人知非學藝不可以進身則雖統綺膏粱亦轉而嚮學既甄別流品亦鼓勵人才所關殆非尠淺矣

更換官學房舍疏

題爲官學勢難容居更換事屬至便謹再瀆請懇留
睿鑒事正白旗官學房舍狹窄勢須改易臣等先以懇
請更換官學事具題奉 旨該部議奏隨經工部議覆
不便蓋給奉 旨依議在案今據正白旗助教達里戶
等復呈稱本旗官學向撥在三官廟後經遷出該旗諸
生斂銀買房九間半爲肄業之所是各旗皆有官給學
房而正白旗獨未補給也今本旗演武教場廢爲空地
其西南隅損壞空廟無僧道居住便可營造伏乞再行
具題將現今官學房變價于教場空廟地基另造官學
庶滿漢蒙古諸生講肄有地等因前來臣等看得在先

官學皆隨旗撥給獨正白旗官學于三官廟遷出之後並未另撥今之學房出該旗一時捐資暫置本既湫隘加淫雨之後將就傾圮實難容膝故臣等請于演武場旁廢廟營建學舍其興作之費變賣現在學房足以取給而部臣槩以無例蓋給爲言臣等又未可擅便將諸生受業終于無所何以稱 朝廷設學教養至意臣等用敢冒昧再請伏祈 睿鑒更敕部議一轉移間不煩公帑而誦習有地實屬至便爲此具本謹題請 旨

含經堂集卷十七